



Bosnia and Herzegovina
Federation of Bosnia and Herzegovina

CANTON SARAJEVO
Anti-Corruption and Quality Control Office

Broj: 20-04-18-2478/21
Sarajevo, 23.12.2021. godine

SKUPŠTINA KANTONA SARAJEVO
KABINET PREDSJEDAVALAČE I ZAMJENIKA PREDSJEDAVALAČE
SKUPŠTINE KANTONA SARAJEVO
n/r Predsjedavajućeg Skupštine - Elvedin Okerić

PREDMET: Zastupničko pitanje zastupnika Dević Mahira, Odgovor, dostavlja se.-

VEZA: Vaš akt broj: 01-04-3006-44/21 od 28.09.2021. godine

Vežano za Vaš akt broj i datum veze, u prilogu Vam dostavljamo odgovor na zastupničko pitanje zastupnika Dević Mahira.

S poštovanjem,

Priloga: 2.

Dostaviti:

1. Naslovu;
2. a/a.



Erduan Kafedžić





Bosnia and Herzegovina
Federation of Bosnia and Herzegovina

CANTON SARAJEVO
Anti-Corruption and Quality Control Office

Broj: 20-04-18-2478/21
Sarajevo, 23.12.2021. godine

SKUPŠTINA KANTONA SARAJEVO
KABINET PREDSEDavajućEG I ZAMJENIKA PREDSEDavajućEG
SKUPŠTINE KANTONA SARAJEVO
n/r Predsjedavajućeg Skupštine - Elvedin Okerić

PREDMET: Zastupničko pitanje zastupnika Dević Mahira, odgovor, dostavlja se.-

VEZA: Vaš akt broj: 01-04-3006-44/21 od 28.09.2021. godine

Dana 28.09.2021. godine, u skladu sa članovima 211. i 214. Poslovnika Skupštine Kantona Sarajevo, zastupnik u Skupštini Kantona Sarajevo Dević Mahir uputio je zastupničko pitanje Uredu za borbu protiv korupcije i upravljanje kvalitetom Kantona Sarajevo, koje glasi: „Da li je Ured zaprimio prijavu i kada o nezakonitom postupanju ministra zdrastva Kantona Sarajevo i Vlade Kantona Sarajevo prilikom donošenja Odluke o izmjeni i dopuni Odluke o listi lijekova Kantona Sarajevo od 24.06.2021. godine, koja je objavljena u Službenim novinama Kantona Sarajevo 01.07.2021. godine? Da li ste postupili po prijavi, te da li ste utvrdili neregularnosti ili neke koruptivne aktivnosti odnosno sumnju na iste? Tražim znači detaljnu informaciju o tome.“

S tim u vezi, informišemo Vas da je Ured za borbu protiv korupcije i upravljanje kvalitetom Kantona Sarajevo dana 21.07.2021. godine zaprimio prijavu o navodnim nepravilnostima u vezi izmjene liste lijekova Kantona Sarajevo, na osnovu čega je Ured pokrenuo postupak provjere i prikupljanja relevantnih podataka i dokumentacije od nadležnih organa.

Tokom postupka provjere, uočeno je da je u Službenim novinama Kantona Sarajevo broj: 26/21 objavljena Odluka Vlade KS o izmjenama i dopunama Odluke o listi lijekova Kantona Sarajevo, koja sadrži A Listu lijekova Kantona Sarajevo (Prilog 1), B listu lijekova Kantona Sarajevo (Prilog 2) i Bolničku listu lijekova Kantona Sarajevo (Prilog 3). Uvidom u sadržaj pomenute tri Liste lijekova može se uočiti da se iste djelimično razlikuje od Listi lijekova objavljenih u Službenim novinama Kantona Sarajevo broj: 43/18, na način da je kod pojedinih lijekova reduciran broj proizvođača. Ujedno, evidentno je da je u Službenim novinama Kantona Sarajevo broj 30/21 objavljena Odluka Vlade KS o izmjenama i dopunama Odluke o listi lijekova Kantona Sarajevo.



Shodno tome, a u cilju otklanjanja nejasnoća i utvrđivanja svih relevantnih podataka, Ured je od Ministarstva zdravstva Kantona Sarajevo zatražio i pribavio obrazloženu informaciju da li je navedenim Odlukama Vlade KS iz 2021. godine izvršena suštinska izmjena ili dopuna Liste lijekova Kantona Sarajevo iz 2018. godine, tj. da li je i koji lijek sa svojim generičkim imenom dodat ili skinut sa Liste; da li je i koji lijek sa svojim zaštićenim imenom dodat ili skinut sa Liste; te da li je i koji proizvođač dodat ili skinut sa Liste kod svakog pojedinačnog lijeka.

Od strane Ministarstva zdravstva Kantona Sarajevo, Ured je obaviješten da su svi kantoni u obavezi da kantonalne Liste lijekova usklade sa Listama lijekova koje donosi Federacija BiH. Donošenjem Odluke o listi lijekova Federacije BiH („Službene novine Federacije BiH“, broj: 33/19), Kanton Sarajevo nije izvršio usklađivanje sa Federalnom listom lijekova, kao ni nakon objave Liste lijekova u Službenim novinama Federacije BiH broj: 69/20. Stoga je ministar zdravstva Kantona Sarajevo tokom 2021. godine pokrenuo proceduru donošenja Liste lijekova Kantona Sarajevo, za čiju izradu je stavljena u funkciju web aplikacija i raspisan javni poziv. Procjenu validnosti dokumentacije i kontrolu zahtjeva za stavljanje i skidanje lijekova na Listu vršila je Komisija, nakon čega su ministru dostavljeni objedinjeni podaci o izvršenoj kontroli. Po provedenom postupku, ministar zdravstva je sačinio prijedlog Liste lijekova i istu dostavio Vladi Kantona Sarajevo na dalje postupanje. Usvojena Lista lijekova Kantona Sarajevo iz 2021. godine usklađena je prema zadnjoj Federalnoj listi lijekova, zbog čega postoje razlike između Listi lijekova iz 2018. godine i 2021. godine u asortimanu lijekova. Dodatno, ograničen je broj zaštićenih naziva (lijekova), a sve u cilju zaštite domaće proizvodnje i smanjenja troškova poslovanja apoteka u kontekstu obezbjeđenja zaliha lijekova.

S tim u vezi, a radi razjašnjenja pojedinih tehničkih i drugih pitanja, Ured je izvršio uvid u sadržaj Zapisnika sa održanih sjednica Komisije za stavljanje ili skidanje lijekova na Listu lijekova Kantona Sarajevo, te je izvršio pregled podataka sa zbirne tabele o svim zahtjevima za stavljanje i skidanje lijekova na Listu koji su obrađeni putem uspostavljenе web aplikacije.

Nadalje, Ured je od Federalnog ministarstva zdravstva zatražio objašnjenje i tumačenje odredbi propisa u vezi načina rada i odlučivanja Komisije sa odgovorom da li se Liste lijekova na području kantona donose na osnovu samostalnog prijedloga kantonalnog ministra zdravstva, neovisno od prijedloga i saglasnosti Komisije, ili prijedlog Liste lijekova mora obavezno sadržavati saglasnost Komisije. Dakle, pitanje je da li Komisija za stavljanje i skidanje lijekova na liste lijekova ima samo savjetodavnu ulogu ili prijedlozi Komisije imaju obavezujući karakter prema kantonalnom ministru zdravstva.

S tim u vezi, od strane Federalnog ministarstva zdravstva Ured je obaviješten da Komisija za stavljanje i skidanje lijekova sa Liste lijekova, koju imenuje kantonalni ministar zdravstva, pruža stručnu pomoć nadležnom ministru kod izrade prijedloga Liste lijekova. Takođe, obaviješteni smo da je kantonalni ministar zdravstva, shodno odredbama Zakona o lijekovima Federacije BiH, jedini aktivno legitimiran za predlaganje Liste lijekova kantona prema Vladi kantona.

Takođe, Ured je izvršio uvid u pojedine odluke Konkurencijskog vijeća Bosne i Hercegovine iz ranijeg perioda, a koje su se odnosile na postupke pokrenute po zahtjevu pojedinih privrednih subjekata iz farmaceutskog sektora u vezi Lista lijekova na nivou Federacije i kantona, uključujući i Kanton Sarajevo. Prema raspoloživim podacima iz sadržaja navedenih Odluka, Konkurencijsko vijeće je po pravilu donosilo odluke, prema kojima kod utvrđivanja Lista lijekova nije utvrđena diskriminacija obzirom na porijeklo proizvoda, odnosno stav Konkurencijskog vijeća je da se lijekovi uvrštavaju na listu na način i pod uslovima koji su određeni propisima i u skladu sa stajalištima struke i nauke, te potrebama zdravlja stanovništva. Takođe, Konkurencijsko vijeće BiH smatra da se kod „Liste lijekova“ ne radi o zabranjenom sporazumu iz člana 4. stav (1)



Zakona o konkurenciji BiH kojim je propisano da su zabranjeni sporazumi, ugovori, pojedine odredbe sporazuma ili ugovora, zajednička djelovanja i prešutni dogovori privrednih subjekata, kao i odluke i drugi akti privrednih subjekata, koji navedenim aktivnostima/aktima direktno ili indirektno učestvuju ili utiču na tržište, a koji za cilj i posljedicu imaju sprječavanje, ograničavanje ili narušavanje konkurencije na tržištu, te člana 4. stav (1) tačka b) kojim je propisano da su zabranjeni sporazumi, koji se isključivo odnose na ograničavanje i kontrolu proizvodnje, tržišta, tehničkog razvoja ili ulaganja.

Shodno svemu navedenom, vršeci postupak provjere u skladu sa propisanim nadležnostima, od strane Ureda nisu uočene nepravilnosti u vezi postupka izmjene Liste lijekova Kantona Sarajevo u 2021. godini.

Ujedno, napominjemo da Ured za borbu protiv korupcije i upravljanje kvalitetom Kantona Sarajevo nije meritorno nadležan da ispituje i ocjenjuje postupak stavljanja ili skidanja lijekova na Listu lijekova Kantona Sarajevo, te da je to u isključivoj nadležnosti Ministarstva zdravstva i Vlade Kantona Sarajevo.

Prilog: Kopija akta Federalnog ministarstva zdravstva broj: 01-33-6548/21 od 28.10.2021. godine

S poštovanjem,

Dostaviti:

1. Naslovu;
2. a/a.



Broj: 01- 33- 6548.....21
Sarajevo, 28.10. 2021.godine

11-2021	
18010918	1362-2199

KANTON SARAJEVO
Ured za borbu protiv korupcije i upravljanja kvalitetom

SARAJEVO
UI. Reisa Džemaludina Čauševića broj 1

PREDMET: Odgovor na akt.
Veza: Vaš akt broj 20-04-18-1962/21 od 08.10.2021. godine

Poštovani,

Povodom Vašeg akta kojim tražite objašnjenje propisa koji se odnose na izradu listi lijekova: Zakona o lijekovima („Službene novine Federacije BiH“, broj 109/12) i Pravilnik o bližim kriterijima za izbor lijekova, postupku i načinu izrade listi lijekova u FBiH, načinu stavljanja i skidanja lijekova sa listi lijekova, obavezama ministarstava zdravstva, zavoda zdravstvenog osiguranja, te proizvođača i prometnika lijekova uvrštenih na liste lijekova, kao i korištenje lijekova, a koji je osnov za kreiranje listi lijekova u Federaciji BiH. („Službene novine Federacije BiH“, br. 45/13 i 7/19 – u daljem tekstu Pravilnik, u dijelu koji se odnose na Povjerenstvo za stavljanje i skidanje lijekova sa liste lijekova, kojeg imenuje nadležni ministar zdravstva, odgovaramo vam sljedeće:

Čankom 23. Pravilnika reguliran je način i postupak imenovanja Povjerenstva za stavljanje i skidanje lijekova sa Liste lijekova, kojeg imenuje nadležni ministar zdravstva, te njegov sastav. Povjerenstvo za svoj rad odgovara nadležnom ministru zdravstva.

Povjerenstvo za stavljanje i skidanje lijekova sa liste lijekova, kojeg imenuje nadležni ministar zdravstva, pruža stručnu pomoć nadležnom ministru zdravstva kod izrade prijedloga liste lijekova.

Nesporno je da je člankom 8. stavak (1) Zakona o lijekovima („Službene novine Federacije BiH“, broj 109/12) utvrđeno da listu lijekova koji se mogu propisivati i izdavati na teret sredstava obveznog zdravstvenog osiguranja kantona (*Pozitivna lista lijekova*), kao i bolničku listu lijekova kantona donosi Vlada kantona na prijedlog kantonalnog ministra zdravstva.

Iz izloženog slijedi, da rad Povjerenstva za stavljanje i skidanje lijekova sa liste lijekova ne može derogirati nesporno zakonsko pravo kantonalnog ministra zdravstva, utvrđeno citiranim člankom 8. Zakona o lijekovima, da prema Vladi kantona predlaže Pozitivnu listu lijekova i Bolničku listu lijekova Kantona koji se izdaju na teret sredstava obveznog zdravstvenog osiguranja Kantona.

To podrazumjeva da je kantonalni ministar zdravlja shodno citiranoj zakonskoj odredbi jedini aktivno legitimiran za predlaganje Pozitivne liste lijekova kantona i Bolničke liste lijekova kantona prema Vladi kantona.

S poštovanjem,

Po ovlaštenju Vlade Federacije BiH
POMOĆNIK MINISTRA
Prim. dr. Marina Bera

